

GARI GARAIALDE



UDAKO
EMANALDIAK

EKAINA

23, larunbata: Antigua
24, igandea: Andoain
25, astelehena: Eibar
26, asteartea: Irun
28, osteguna:
Intxaurrondo (Donostia)
30, larunbata: Lasarte-
Oria

UZTAILA

12, osteguna: Donostia
13, ostirala: Gernika
14, larunbata: Zarautz
21, larunbata: Santurtzi
23, astelehena: Mutriku
24, asteartea: Villabona

ABUZTUA

5, igandea: Bera
14, asteartea: Azkoitia
15, asteazkena: Zumaia
16, osteguna: Larrabetzu
17, ostirala: Aretxabaleta
19, igandea: Bilbo

IRAILA

3, astelehena: Lekeitio
6, osteguna: Zizurkil
8, larunbata: Bergara
11, asteartea: Hondarribia
14, ostirala: Bermeo
15, larunbata: Egia



Martinek, Martintxok eta Joxe Martin txerri astronautak kohetea atzean dutela.

ARGUDIOA

Ezkur erraldoi baten
erorketa seinale gisa
hartzten dute, eta hura
lortzeko Ezkurronera
bidaitu nahiko dute

OZTOPOAK

Dimitri TKT telebista
kateko erreportariak ahal
dituen oztopo gehinak
jarriko ditu bidaia bertan
behera gera dadin

PARTE HARTZEA

Kohetea altxatzeko
beharrezkoak ziren
laguntzaileak eskatzeko
orduan 50 haur inguru
hurbildu ziren

HANKAGORRI

Orain sei urte sortu zen
antzerki taldea, eta sei
ikuskizun eskaini dituzte
dagoeneko EGUNKARIAren
laguntzaz

Orduantxe agertu zen Xilbestre Etxebeste udaltzaina kohe-
tearen baimena eske. Ez zego-
en baimenik, eta ezagunen ba-
ten oniritzia falta zela zioen
Xilbestrek.

Kasualitatea, nor egon ikusle-
en artean eta Abraham Olano
txirrindulari tolosarra haren

seme Xabierren kotxea eskue-
tan zuela. Hark baimena sinatu
ostean dena prest zegoen ezku-
rronera bidaia hasteko. Atzera
kontua hasi zen: «10, 9, 8, 7...1,
0» zioten haur ozen-ozen guz-
tiek batera. Hala ere kohetea
geldirik gertatu zen, ez zen zor-
terik izan. Beste herri batean

izan beharko da. Izango dugu
berririk.

EGUNKARIA eta Hankagorri
elkarlanean

Hankagorri antzerki taldea
1996an hasi zen EUSKALDUNON
EGUNKARIAren laguntzaz udan
haurrentzako euskarazko kale

antzerkia eskaintzen. Guztira
sei ikuskizun eskaini dituzte da-
goeneko.

Piraten ikuskizuna izan zen
aurrenekoa, eta haren atzetik
beste bost prestatu dituzte: Sal-
tsatronik, Bonb eroak, Muki-
krosa, Petrikiloak eta aurtengo
Urbasako astronautak.

Taldea 9 lagunek osatzen
dute: Anartz Zuazua zuzenda-
ria; Iñaki Agirrezabal, Jaione
Albeniz, Kepa Celestino, Peio
Narbaez, Anjel Alkain eta
Egoitz Lasa aktoreak; Nati Or-
tiz de Zarate jantzien arduradu-
na eta Jimi Bidaurreta musika-
ren arduraduna.

PERTSONAIAK



MARTINA (Astronauten burua)
Ezkurron planetara bidaia
egin nahi duten
astronauten ardura du
Martina txerramak. Bera
da espedizio bitxi horren
xehetasun guztiak
kontrolatzen dituen.
Genio txarrekoa. Dena
zuzen-zuzen izan nahi du.



MARTIN (Astronauta)
Joxe Martin eta Martintxo
astronautekin batera
Ezkurron planetara bidaia
egingo duen
espedizioaren kideetako
bat da. Jo eta ke ariko da
kohetea zutik jarri eta
martxan jartzeko asmoz.
Nahiko despistatua da.



MARTINTXO (Astronauta)
Martin eta Joxe Martin
astronautek bezala
Ezkurron planetara
joateko bidaia ilusio
handiz ikusten du.
Martina txerramaren
aginduak zuzen-zuzen
betetzen ditu, nahiz
nahiko despistatua izan.



JOXE MARTIN (Astronauta)
Aurrekoen antzera
Ezkurron planetara
joateko bidaia egia
izateko jo eta su ariko da
lanean. Ez du inoiz
amorerik ematen, eta
talde guztiaren helburua
lortzeko bere eskuan duen
guztia emango du.



XILBESTRE (Udaltzaina)
Xilbestre Etxebeste
udaltzaina da. Kohetea
Ezkurronera alde egiteko
prest dagoenean agertuko
da. Baimen eske hasiko
da, eta Martinaren lagun
mina egingo da. Dimitri
TKT telebista kateko
erreportariaren anai da.



DIMITRI (Erreportaria)
Txerri Korta Telebistako
erreportaria da. Hasieran,
astronautekin ondo
moldatuko da, baina
pixkana-pixkana bere
benetako asmoak agerian
utziiko ditu, hots, kohetea
martxan jartzeko saiakera
guztiak zapuztea.